

Outras campañas solidarias

As nosas campañas van máis alá da solidariedade alimentaria: prestan apoio a colectivos vulnerables e promoven o compromiso co medio ambiente a través de

hábitos de consumo que favorezan a preservación dos recursos naturais.

Doazóns de material deportivo de FORUM SPORT

Desde FORUM SPORT doamos 179 pares de zapatillas a Cruz Vermella Biscaia para a súa distribución entre os usuarios dos seus proxectos, que se atopan en situación de vulnerabilidade. Así mesmo, en 2018 tamén doamos a Koopera 8.943 quilos de material deportivo, valorado en 22.219 euros. Este material destinouse a usuarios de Cáritas, ás tendas Koopera como obxectos de segunda man, o á reciclaxe ou valorización enerxética mediante a súa axeitada xestión como residuo.

Receitario solidario de VEGALSA-EROSKI en favor da Cruz Vermella

Grazas ás vendas de 15.000 exemplares dun receitario de pratos saudables a prezos económicos co título Hoxe como na casa: receitas saudables e económicas elaboradas polos mellores chefs de Galicia, recadáronse 30.000 euros que irán destinados a proxectos de inclusión social da Cruz Vermella en Galicia. Esta iniciativa de colaboración entre as dúas entidades contou coa participación de 20 chefs galegos e levouse a cabo en Autoservicios Familia, Hipermercados EROSKI e Supermercados EROSKI Center da Comunidade Autónoma de Galicia.

Campaña de emerxencia polas inundacións de Mallorca

A campaña solidaria de ámbito estatal que organizamos tralas terribles inundacións que afectaron o municipio mallorquino de Sant Llorenç permitiu recadar 140.000 euros grazas á solidariedade de EROSKI e os seus clientes. O diñeiro canalizouse a través das autoridades de Sant Llorenç para que se destine integramente ás familias afectadas polas inundacións.

Apoio ás familias

EROSKI mantén convenios de colaboración para apoiar as familias numerosas con entidades como Fanoc e Familia XL, entre outras. Por outra banda, desde 2012, en CAPRABO, conscientes das necesidades particulares deste tipo de familias, ofrecemos vantaxes especiais a través da condición de cliente ouro (e da Tarxeta Ouro O Meu Club CAPRABO) con todos os seus beneficios adicionais. Así mesmo, gozan da vantaxe de recibir un 5 % do valor das súas compras transformado en euros, cantidade que se engade ao saldo da súa tarxeta. Durante o 2018, un total de **13.292 familias numerosas beneficiáronse dun aforro de 804.694 €.**

Esta iniciativa súmase ao programa xa existente de axuda ás familias coñecido como "Benvido Bebé". Grazas a este programa, no pasado exercicio **entregamos 1.358.000 cestas**, así como descontos e promocións en produtos pensados para o primeiro ano de vida do bebé.

O programa complementábase coa ferramenta en liña "Benvida Matrona", na que os proxenitores poden atopar resposta a todas as cuestións que máis os preocupan durante o embarazo, o parto e ao longo dos primeiros anos de vida do bebé. Esta é unha iniciativa que conta co apoio de organizacións como a Federación de Asociacións de Matronas de España, a Asociación Española de Matronas e o pediatra Dr. J. Mateu Sancho. Xa visitaron a web 120.505 persoas, con máis de 358.175 páxinas vistas.

En VEGALSA-EROSKI tamén demos un paso máis na axuda achegada ás familias coa adhesión, en 2016, ao programa "Tarxeta Benvida" da Xunta de Galicia. Grazas a iso, as persoas que presentan a tarxeta ao facer a compra na nosa rede de establecementos, Familia, EROSKI/Center e Hipermercados EROSKI, benefíciense dun desconto directo do 2,5 %. En 2018, a través desta iniciativa transferíronse 59.168 euros as familias.